

ZACARÍAS

(Chacaría)

**Cori ya Tupana rü norü duüxügüna naxu
nax naxçax nawoeguxüçax**

1 ¹Rü yexguma marü taxre ga taunecü ãëxgacü yixixgu ga Darü rü meama norü 8 ga tauemacügu (noviémbr) rü nüma ga Cori ya Tupana rü Chacaríamaxã nidexa. Rü nüma ga Chacaría rü Berequía nane nixí rü Ídu nixí ga norü oxí. Rü Tupana rü ñanagürü nüxü: ²“Choma ya Cori ya Tupana ya guxãétüwa ngëxmaxe, rü poraãcü namaxã chanu ga yema perü oxigü. ³Rü ngëmacax i ñuxma rü chanaxwaxe i cutanüxügümaxã nüxü quixu i ñaa chauga i ñaxü: ‘iChaxçax pewoegü! Rü choma rü tá pexçax chatáegu.’ Rü chomax i Cori ya Tupana ya guxãétüwa ngëxmaxe nixí i ngëma ñachaxü. ⁴Rü tama name nax yema perü oxigürüxü pixigüxü. Yerü yexguma nüxna chaxãgagu ga chorü orearü uruügü nax namaxã nüxü yaxuxüçax ga chauga nax nüxü naxoexüçax ga chixexü ga nacümagü rü chixri nax namaxëxü, natürü ga nümagü rü tama chauga naxinüechaü rü tama choxü nacuxgüchaü. Rü choma i Cori ya

Tupana ya guxãétüwa ngëxmaxe nixí i nüxü chixuxü i ngëma. ⁵¿Natürü i ñuxma rü ngexügü yixixü ga yema perü oxigü? Rü chorü orearü uruügü rü ta rü marü nayue. ⁶Natürü yema chorü ore rü yema chorü mugü ga chorü orearü uruügümexëgu chaxixü, rü perü oxigüwa nangu. Rü ñuxre ga nümagü rü chaxçax nawoegu, rü naxçax ínicuxgü ga chixexü nax naxügüxü, rü ñanagürügü: ‘Aixcuma nüma ya Cori ya Tupana ya guxãétüwa ngëxmacü rü ngëma tórü chixexüãcütama tamaxã nanangupetüxëxë’, ñanagürügü”, ñanagürü ga Tupana.

**Tupana rü Chacaríaxü nanawex i wüxi i
daxücüax i cowaruétüwa rütogüxü**

⁷Rü yexguma marü taxre ga taunecü ãëxgacü yixixgu ga Darü rü meama norü 11 ga tauemacügu (febréro) rü nüma ga Cori ya Tupana rü chomaxã nidexa i chomax i orearü uruxü i Chacaría i Berequía nane ya Ídutaxa nax chixixü. ⁸Rü wüxi ga chütaxügu rü Tupana choxü nüxü nadauxëxë ga wüxi ga norü orearü ngeruxü ga daxücüax ga cowaru ga daxüétügu aunagüxü. Rü

wüxi ga ngatewa yexmaxû ga naixtanüpechitagu norü cwarumaxã nachi. Rü yemaweama nayexmagü ga wüxitücumü ga cwaru ga idauxû, rü to ga idáuxraxû rü to ga icómuxû. ⁹Rü choma rü yema daxücüâx ga cwaruétügu aunagüxûna chaca rü ñachagürü: “Pa Corix ðtaxacügü nixí i ngêma cwaruétügu augüxû?” ñachagürü. Rü nüma ga yema daxücüâx ga chomaxã idexaxû, rü choxû nangãxûga rü ñanagürü: “Choma rü tá cuxû chanawex i taxacü nax yixigüxû”, ñanagürü. ¹⁰Rü yexguma ga yema daxücüâx ga naixtanüpechitagu chixû rü ñanagürü choxû: “Ñagü nixí i Cori ya Tupana nua mugüxû nax ñoma i naanegu íyachoeguxûcax”, ñanagürü. ¹¹Rü yexguma ga yema togü ga cwaruétügu augüxû, rü Cori ya Tupanaarü orearü ngeruxû ga naixtanüpechitagu chixûmaxã nidexagü rü ñanagürügü: “Guxûwama i ñoma i naanegu ítayachoeu, rü guxûma i duûxügü rü nügümaxã ínataãxëgü, rü taxuxûma i taxacü i guxchaxûxû itayangaugü”, ñanagürügü. ¹²Rü nüma ga yema Cori ya Tupanaarü orearü ngeruxû ga daxücüâx rü ñanagürü: “Pa Corix, Pa Tupana ya Guxãétüwa Ngêxmacüx, rü marü 70 ya taunecüwa nangu nax Yerucharéücüâxgümaxã rü ngêma togü i Yudáanearü íanecüâxgümaxã cunuxû. ¿Rü ñuxre ya taunecü taxuxû nax wenaxarü cuxû nangechaütümüxügüxû?” ñanagürü. ¹³Rü nüma ga Cori ya Tupana rü nüxû nangechaüñcüma mea yema daxücüâx ga chomaxã idexaxûxû nangãxûga. ¹⁴Rü yexguma ga nüma ga daxücüâx rü

choxû namu nax chaxunagüxû. “Rü ñaa nixí ya Cori ya Tupana ya guxãétüwa ngêxmacü nüxû ixuxû: ‘Chomax rü nüxû changechaüxûchi ya Yerucharéü rü yima maxpüne ya Chióü. ¹⁵Rü yexguma íxrarüwatama chanapoxcuchaügu ga yema Yerucharéücüâxgü, natürü yema togü ga nachixûñanegücüâx ga yema chamugüxû rü nanangupetüxëxë ga yema poxcu ga Yerucharéücüâxgümaxã chaxueguxû. Rü ngêmacax namaxã chanu i ngêma nachixûñanegü i nügü írüpöraexû rü taxüguma rüxünüexû. ¹⁶Natürü ngêma nax choxû nangechaütümüxügagu ya Yerucharéücüâxgü, rü naxcax chatáegu. Rü tá nüxû chanangüchaüxëxë i duûxügü nax wena namexëëgüaxüçax ya chopata, rü guxûnema ya yima íane’, ñanagürü ga Tupana.” ¹⁷Rü yema daxücüâx rü ñanagürü ta choxû: “Ñaa tá nixí i to i ore i tá nüxû quixuxû rü nüma ya Cori ya Tupana ya guxãétüwa ngêxmacü rü ñanagürü: ‘Rü choma rü tá wena nüxû charüngüxëxë ya yima chorü íanegü nax yamexüçax rü mea iyaxüçax. Rü wena tá chanataãxëxëxë ya yima maxpüne ya Chióü. Rü wena tá chanaxunagü nax chorü íane yixixû ya Yerucharéü’, ñanagürü ya Tupana.”

.....

Wüxi i ngexwacaxûxû i naxchiru i Yochuéna naxãxûchiga

3 ¹Rü yexguma nüma ga Cori ya Tupana rü choxû nanawex ga Yochué ga chacherdótegüarü ãëxgacü. Rü nüma ga Yochué rü Cori ya Tupanaarü duûxüpexegu nachi. Rü Yochuéarü tügüñecüwawa nayexma ga

Chataná ga nüxũ ixugüchaũxũ. ²Rü nüma ga yema Tupanaarü orearü ngeruxũ i daxücüãx rü Chatanáxũ ñanagürü: “iNüma ya Cori ya Tupana cuxũ nangax! iRü yimátama Cori ya Tupana ya Yerucharéũx ngechaũcũ rü cuxũ nangax! Erü ñaa yatü rü ñoma wüxi ya áxwe ya üxüétüwa yaxuxcürüxũ Babiróniaanewa táeguxũ nixĩ”, ñanagürü. ³Rü nüma ga Yochué rü poraãcũ naxãũächichiru rü yemaacũ Cori ya Tupanaarü duũxüpegegu nachi. ⁴Rü yexguma ga yema daxücüãx ga orearü ngeruxũ rü norü ngüxëeruũgüxũ namu rü ñanagürü: “Ngëma ãũächixũ i Yochuéchiru irü ípenacuxuchix!” Rü ñuxüchi Yochuéxũ ñanagürü: “Dücax, rü marü cuxna chanayaxu i ngëma curü pecádu rü ngaxãechirugu cuxũ chicuxëxë”, ñanagürü. ⁵Rü yexgumatama norü ngüxëeruũgüxũ namu ga Yochuéxũ yanãixerugüxüçax namaxã ga wüxi ga ngëmataxũ ga naxchirutachinü. Rü yemawena rü petachirugu nayacuxëëgü. Rü nüma ga yema daxücüãx rü yexmatama nachiecha. ⁶Rü ñuxüchi ga nüma ga Cori ya Tupanaarü orearü ngeruxũ ga daxücüãx rü Yochuéxũ ñanagürü: ⁷“Cori ya Tupana ya guxãétüwa ngëxmacü rü ñanagürü cuxũ: ‘iChaucümagu ixü rü yanguxëxë i guxüma i ngëma cumaxã nüxũ chixuxũ! Rü ngëxguma ngëmaacü cunaxüxgux, rü cumexgu tá chanaxü ya chopata rü naxãxtü nax nüxna cudauxüçax, rü tá cuxna chanaxã i cuchica i natanüwa i ñaa chorü orearü ngeruxũ i daxücüãx i choxü puracüexũ. ⁸iRü dücax, Pa Yochuéx, rü mea iperüxĩnue i guxãma i pemax nax

chacherdótegüwa pexügüxũ! Rü pema rü wüxi i cuaxruxũ pixigü naxçax i ngëma mexũ i tá ínguxũ. Erü paxa tá nua petanüwa chanangoxëxë i wüxi i Dabítaxa i chorü duũxü ya perü ãëxgacü tá ixicü (Cristu). ⁹Rü chomax rü Yochuépegegu chanaxü ya wüxi ya nuta ya 7 i naciüwa nüxũ ngëxmacü. Rü choma tátama yima nutagu chanaxümatü. Rü ñuxüchi i choma rü wüxitátama i ngunexügu nüxna chanayaxu i norü pecádu i ñaa nachixüane. ¹⁰Rü ngëxguma ngëma ngunexüwa nanguxgu rü tá pegüna pixigü nax perü úbagüpechitawa, rü perü iguéragüpechitawa pegümaxã petaãxëgüxüçax. Rü choma ya Cori ya Tupana ya guxãétüwa ngëxmaxe nixĩ i nüxũ chixuxũ i ngëma’, ñanagürü.”

Chacaríá nüxũ nadau ga wüxi ga omüarü úruxũ rü taxre ga oríbugü

4 ¹Rü yema daxücüãx rü wena çauxçax natáegu, rü choxü ínabaixgü ñoma pewa íbaixächigürüxũ. ²Rü choxna naca rü ñanagürü: “¿Taxacüxũ cudauxũ?” ñanagürü. Rü choma rü chanangãxüga rü ñachagürü: “Choma rü nüxũ chadau i wüxi i omü i úirunaxçax. Rü norü queruyínupáüwa ne nadagü i 7 i naxchiraxũ. ³Rü ngëma omüxütawa narüxügü i taxre i oribu rü wüxi i norü tügüneçüwawa rü to i norü toxwecüwawa”, ñachagürü. ⁴Rü yexguma ga choma rü nüxna chaca ga yema daxücüãx ga chomaxã idexaxũ rü ñachagürü: “Pa Chorü Corix ¿taxacüchiga nixĩ i ngëma?” ñachagürü. ⁵Rü nüma ga daxücüãx rü choxü nangãxüga rü ñanagürü. “¿Tama ëxna i

nüxũ cucuáxũ nax taxacüchiga yixĩxũ?” ñanagürü. Rü choma chanangãxũga rü ñachagürü: “Tama nüxũ chachuax, Pa Corix”, ñachagürü. ⁶Rü nüma ga daxücüãx rü nayadaxẽxẽ ga nax yadexaxũ rü ñanagürü: “Ñaa nixĩ i Cori ya Tupanaarü ore i Chorobabécax ixĩxũ i ñaxũ: ‘Tama churaragüarü poramaxã rü bai i taxacü rü to i poramaxã, natürü Chauãxẽarü poramaxã tá ningu i ngẽma chanaxwaxexũ’, ñanagürü ya Cori ya Tupana ya guxãétüwa ngẽxmacü. ⁷Rü woo ñoma taxüne ya maxpünerüxũ yixĩxgu i guxchaxũgü nax tama naxügiuaxũcax ya yima Tupanapata, natürü Chorobabépexewa rü tá inayarüxo i ngẽma guxchaxũgü ñoma wüxi ya maxpüne rüdxöchixẽxũrũxũ. Rü nümatama ya Chorobabé rü tá nayaxücuchi ya yima nuta ya nawa inaxügiü nax yanguxũcax ya yima Tupanapata. Rü ngẽxguma yanguxgu rü nüma i duũxũgü rü tagaãcü ñanagürügü tá: ‘iNamexechi, namexechi ya yima Tupanapata!’ ñanagürügü tá.” ⁸Rü yemawena ga nüma ga yema daxücüãx rü chomaxã nüxũ nixu ga to ga ore ga Tupanawa ne üxũ ga ñaxũ: ⁹“Rü Chorobabé nixĩ ga inanücü ga guma nuta ga naxtapüxaru ügü ya daa Tupanapata rü nüma tátama nixĩ i yanguxẽãxũ. Rü ngẽmawa tá nüxũ pecuax i pemax nax Cori ya Tupana ya guxãétüwa ngẽxmacü yixĩxũ ya yimá núma choxũ mucü. ¹⁰Rü yema tama aixcüma yaxögücüraxũxũ ga yexguma noxri inaxügiü ga yema puracü, rü ñuxma nax nüxũ nadaugüxũ i Chorobabé nax yanguxẽxũ i ñaa puracü, rü tá nataãxëgü”, ñanagürü. Rü

yemawena ga yema daxücüãx rü ñanagürü ta: “Rü ñaa 7 i omügü rü Cori ya Tupanaxetügüchiga nixĩ i guxũ i ñaa naanegu rüdaunüne”, ñanagürü. ¹¹Rü choma rü nüxna chaca rü ñachagürü: “¿Taxacüchiga nixĩ i ñaa taxre ya oríbune i ñaa omücüwawa ngẽxmagüxũ?” ñachagürü.

.....

¹⁴Rü nüma ga yema daxücüãx rü choxũ nangãxũga rü ñanagürü: “Yima taxre ya oríbune rü nachiga nixĩ i ngẽma taxre i duũxũgü i marü chíxũmaxã ibáeruxũ nax naxügiuaxũcax i norü puracü ya Tupana ya yimá ñoma i naanearü yora ixĩcü”, ñanagürü.

.....

Cori ya Tupanaarü uneta

8 ¹Rü nüma ga Cori ya Tupana ya guxãétüwa ngẽxmacü rü ñaa orexũ chomaxã nixu rü ñanagürü: ²⁻³“Ñaa nixĩ i ore i chomax i Cori ya Tupana ya guxãétüwa ngẽxmaxe nüxũ chixuxũ: ‘Rü nüxũ changechaũ ya yima maxpüne ya Chióũ rü ngẽmacax poraãcü choxũ nachuxu. Rü Yerucharéũcax tá chatáegu nax ngẽma chamaxũxũcax. Rü ngẽxguma chatáeguxgux rü yima ñane ya Yerucharéũ rü ñane ya Aixcüma Chauga Ñünemaxã tá nanaxugü. Rü ngẽxgumarüxũ ta ya yima chori maxpüne ya Chióũ rü Maxpüne ya Üünenemaxã tá nanaxugü. ⁴Rü choma i Cori ya Tupana ya guxãétüwa ngẽxmaxe rü ñachagürü: Wena táxaru norü caxũxũmaxã Yerucharéũaru plazagüwa tá naxĩ i yaxguãxgü i yatüxũgü rü ngexũgü nax ngẽma yanatogüxũcax rü nataãxëgüxũcax. ⁵Rü ngẽxgumarüxũ ta i

buxügü i yatüxügü rü ngexügü, rü tá nanapáxēxē i Yerucharéüarü plazagü rü ngēma tá naxīnūcaxwaxegü. ⁶Rü ngēxguma ngēmaācü wena namexgu ya Yerucharéü rü chorü duüxügü i nūma yaxügüxü rü tá nabajxāchie, erü taguma nagu narüxinüe nax wena tá namexü ya yima ĩane. Natürü chauxcax rü taxuxüma naguxcha i ngēma. Rü choma i Cori ya Tupana ya guxäétiwa ngēxmaxe nüxü chixu i ngēma. ⁷Rü choma rü tá íchananguxüxēxē i ngēma chorü duüxügü i petanüxügü naxmexwa i ngēma nachixüane i perü éstewaama ngēxmaxü rü ngēma nachixüane i perü oéstewaama ngēxmaxü. ⁸Rü Yerucharéüwa tá chanagagü nax ngēma namaxēxücax. Rü nümagü rü tá chorü duüxügü nixī, rü chomax rü tá norü Tupana ya ixaixcümäcü rü mea namaxā icuäcü chixī”, ñanagürü. ⁹Rü nüma ya Cori ya Tupana ya guxäétiwa ngēxmacü rü ñanagürü pexü: “Pema rü yexguma noxritama nanucugu ga guma nutagü ga chopataarü ügü rü yexgumaxücüütama nixī ga nüxü pexīnūexü ga chauga ga chorü orearü uruüguwa pemaxā nüxü chixuxü. iRü ñuxma rü pora pexüe nax mea peyanguxēxücax i ngēma puracü! ¹⁰Rü yexguma taxüta inaxügügu ga chopataarü puracü rü nataxuma i perü natanü naxcax i perü puracü rü perü wocagüarü puracü. Rü yema perü uanügügagu rü äücümäxüwa pengexmagü rü chomatama rü pegümäxā pexü chanuexēxē. ¹¹Natürü i ñuxma rü tümacax ya yíxema daa ĩane ya Yerucharéüwa íyaxügüxe, rü taxütäma yema ngunexügü ga

ngupetügüxürüxü nixī. Rü choma ya Cori ya Tupana ya guxäétiwa ngēxmaxe nixī i nüxü chixuxü i ngēma. ¹²Erü ngēma taāxē rü tá petanüwa nangexma. Rü ngēma perü úbanecü rü tá meama nixo. Rü daxügüxü i naanewa tá narüngu ya pucü nax ngēmaācü i penetügü i peanewa ngēxmagüxü namuarü oóxücax”, ñanagürü.

.....

²⁰Rü nüma ya Cori ya Tupana ya guxäétiwa ngēxmacü rü ñanagürü: “Muxüma i togü i nachixüānegüarü ĩanegücüāx rü tá nua naxī nax choxü yacuaxüüügüxücax. ²¹Rü ngēma duüxügü i wüxi ya ĩanecüāxgü rü náí ya ĩanecüāxgüna tá naxugüe rü ñanagürügü tá: ‘iNgīxā naxcax tadaugü ya Cori ya Tupana ya guxäétiwa ngēxmacü, rü ngīxā norü ngüxēēcax ítacagü!’ ñanagürügü tá. Rü ngēma togü i duüxügü rü tá nanangāxügagü rü ñanagürügü tá: ‘Toma rü tá ta ngēma taxī’, ñanagürügü tá. ²²Rü ngēmaācü tá muxütäma i duüxügü i muxü i nachixüānewa ne ĩxü rü Yerucharéüwa tá naxī nax chauxcax yadaugüxücax nax nüxü charüngüxēēxücax”, ñanagürü ga Cori ya Tupana ya guxäétiwa ngēxmacü.

.....

Iraétanüxügüarü äēxgacü rü tá ínangu

9 ⁹iRü poraäcü petaāxēgü, Pa Chióücüāxgüx! iRü perü taāxēmaxā pewiyaegü, Pa Yerucharéücüāxgüx! Erü pexcax ínangu ya perü äēxgacü ya poracü ya mea pemaxā icuäcü. Natürü i nüma rü tama nügü nicuaxüxüācüma ínangu. Rü wüxi i búruxacüētügumare

ínangu. ¹⁰Rü nüma rü tá inayanaxoxëxë
i Efraítanüxüarü churaragüweü, rü
ngëma Yerucharéücüâxgüarü
churaragüarü cowarugü, rü yima
würagü ya dai namaxã naxüğüne. Rü
guxü i nachixüanegüçax tá nanaxunagü
i taãxë. Rü tá namaxã inacuax i ngëma
naane i már i Mediteráneuwa ixügüxü
rü ñuxmata már i Dauchiüxüwa nangu.
Rü ngëma naane i taxtü i Eufrátewa
ixügüxümaxã tá inacuax rü ñuxmata
guxüwama i ñoma i naanewa nangu.
.....

12 ¹⁰Rü ñanagürü ga Tupana:
“Ngëma Dabítaagütanüwa rü
Yerucharéücüâxgütanüwa tá chanamu i
Chauãxë nax yamecümáxüçax rü
yumüxëgu naxínüexüçax. Rü ngëxguma
nüxü nadaugügu ya yima
nacanapacütüxügüäcü rü tá
nangechaüğü. Rü naxçax tá naxauxe
ñoma wüxi i nane i nügümaxã
wüxicacüçax naxauxexürüxü. Rü ñoma
nüxíraxücü ya nane yuxgucax
naxauxegurüxü tá naxçax naxauxe”,
ñanagürü ga Tupana.
.....

**Yerucharéüçax tá ínayaxüächi
i norü uanügü**

14 ¹Rü marü ningaica i Cori ya
Tupanaarü poxcu, Pa

Yerucharéücüâxgüx. Rü ngëxguma
ínanguxgu, rü perü uanügü rü
pepexewa tátama nüğü nayanu i perü
ngëmaxügü i pexna napuxüxü. ²Rü
düçax, Pa Yerucharéücüâxgüx, rü
ngëma ngunexügu rü nüma ya Cori
ya Tupana rü tá guxü i
nachixüanecüâxü nangutaquexexëxë
nax pemaxã nüğü nadaixüçax. Rü
nagu tá nachocu ya yima perü ñane,
rü wüxichigü ya ípatagü rü tá
nanadeäcu. Rü ngeaxgü rü tá tüxü
ínayauxü rü tá tümamaxã namaxë. Rü
ngâxü i petanüxügü rü tá nayagagü.
Rü ngëma norü to i ngâxüxica tá
ngëma nayaxügü.

**Tupana rü tá Yerucharéücüâxgüarü
uanügüxü narüporamae**

³Natürü ngëmawena i nüma ya Cori
ya Tupana rü tá ngëma
nachixüanegümaxã nüğü nadai ñoma
churaragü norü uanügümaxã nüğü
däixgurüxü.
.....

⁹Rü ngëma ngunexügu rü nüma ya
Cori ya Tupana rü äëxgacü tá nixí i
guxüwama i ñoma i naanewa. Rü
nüxicatátama äëxgacü nixí rü
nataxutáma i to i naéga i duüxügü nüxü
icuaxüügüxü.
.....